

Na osnovu člana 36. Statuta JP „Tržnica” d.o.o. Zenica, člana 21.a Zakona o zaštiti ličnih podataka („Sl. Glasnik BiH” br.: 49/06, 76/11 i 89/11) direktorica preduzeća donosi

**PRAVILNIK**  
**o video nadzornom sistemu u JP „Tržnica” d.o.o. Zenica**

**I PREDMET PRAVILNIKA**

**Član 1.**

Pravilnikom o video nadzornom sistemu u JP „Tržnica” d.o.o. Zenica (u daljem tekstu: Pravilnik) bliže se određuje uspostava, pravni osnov, svrha, upotreba video nadzornog sistema objekata, imovine i prostorija JP „Tržnica” d.o.o. Zenica (u daljem tekstu: Preduzeća), pravila obrade i korištenja podataka i obim podataka.

**II ODLUKA O VIDEO NADZORNOM SISTEMU**

**Član 2.**

Direktorica Preduzeća donosi odluku o uvođenju video nadzornog sistema u Preduzeću.

**Član 3.**

Bliže odredbe o uspostavi, svrsi, upotrebi, zaštiti i obradi ličnih podataka i završnim odredbama vezanim za video nadzor definišu se ovim Pravilnikom.

**III ZAKONSKI OKVIR**

**Član 4.**

Zakon o zaštiti ličnih podataka Bosne i Hercegovine članom 21.a predviđa uspostavu video nadzornog sistema.

**IV SVRHA VIDEO NADZORNOG SISTEMA**

**Član 5.**

Svrha uspostavljanja video nadzornog sistema u Preduzeću jeste zaštita objekata, imovine i opreme preduzeća, te sigurnosti ljudi i to kao:

- povećanje sigurnosti objekata preduzeća
- povećanje sigurnosti materijala i opreme u prostorijama, skladištu i na platou preduzeća
- povećanje sigurnosti novčanih sredstava u blagajni preduzeća
- povećanje sigurnosti radnika na blagajni i u krugu preduzeća
- povećanje sigurnosti korisnika usluga u krugu preduzeća
- povećanje sigurnosti radnika preduzeća koji rade u noćnim satima, vikendom, u neradne dane i praznike
- i sl.

## V OBIM PODATAKA VIDEO NADZORA

### Član 6.

Video nadzorni sistem Preduzeća obuhvata:

- unutrašnje i vanjske kamere
- nadzorne kamere imaju IR noćno snimanje i osjetljive su na pokret
- uređaji za pohranu video zapisa (snimači) iste deponuju na hard disc u trajanju do 30 dana ( u zavisnosti od količine snimljenog materijala posebno u noćnim satima jer kamere snimaju pokret)

Vrsta podataka koji se prikupljaju i pohranjuju je video zapis sa datumom i tačnim vremenom.

### Član 7.

Unutrašnje kamere pokrivaju:

- 1.) podrumске prostorije zgrade gradske tržnice (prema ulazu u isti)
- 2.) prizemlje zgrade gradske tržnice: ulaze u zgradu i prostor na kome su smještene vitrine za prodaju mesa, mlijeka i proizvoda od istih i jaja, prostor sa rashladnim uređajima za odlaganje istih (magacin), hodnik kod portimice i wc-a;
- 3.) sprat zgrade gradske tržnice: ulaz u službeni dio Preduzeća koji pokriva i ulaze u poslovne prostore na spratu, dio unutrašnjeg hodnika, prostoriju blagajne;

Vanjske kamere pokrivaju:

- 1.) ulaz na plato gradske pijace sa Ul. M. Tita, kao i sam plato;
- 2.) ulaz na plato gradske pijace sa mosta na rijeci Kočeva
- 3.) ulaz na plato gradske pijace sa kružnog toka iz Ul. Kočevska čikma
- 3.) ulaz u podrumski dio zgrade gradske tržnice gdje su skladišni prostori
- 4.) ulaz u zgradu gradske tržnice (tzv. „ekonomski ulaz“).

Na ulazima na plato gradske pijace sa svih strana, kao i na ulazima u zgradu gradske tržnice postavljen je znak/upozorenje „POZORI-OBJEKAT JE POD VIDEO NADZOROM“.

### Član 8.

Znak na ulazu na plato gradske pijace sa Ul. M. Tita i na ulazu u zgradu gradske tržnice sadrži i kontakt telefone preko kojih se mogu dobiti opće informacije o video nadzoru.

## VI UPOTREBA PODATAKA (POJEDINOSTI OBRADE LIČNIH PODATAKA)

### Član 9.

Uređaji za snimanje (hard disc-ovi) i administrativni centar kontrole i obrade podataka nalazi se u službenoj kancelariji Rukovodioca za pravne, kadrovske i opće poslove, a koja kancelarija se zaključava.

Glavni vršilac nadzora i rukovatelj sistema nadzora je Direktorica Preduzeća, koja može ovlastiti nekog od radnika preduzeća i /ili može zaključiti i ugovor sa određenim pravnim licem čija djelatnost je tehničko uspostavljanje i održavanje video sistema i alarmnih uređaja i osiguranja lica i imovine, da ima pristup video nadzornom sistemu (u realnom vremenu ili pristup arhivi podataka), u svojstvu obrađivača podataka za potrebe presnimavanja podataka snimljenih putem video nadzora kada je to neophodno (npr. na zahtjev policijskih ili drugih ovlaštenih organa u situacijama predviđenim članom 11. ovog Pravilnika.

#### Član 10.

Kontrolor video nadzornog sistema je Direktorica preduzeća kao odgovorno lice. Kontrolor je odgovorno lice koje ima pristup monitoringu u realnom vremenu i arhivi video nadzora, te može slobodno da pristupa podacima i obrađuje podatke video nadzora u skladu članom 21. a Zakona o zaštiti ličnih podataka Bosne i Hercegovine. Direktorica preduzeća, kao odgovorno lice može zaključiti ugovor o nabavci usluge zaštite i kontrole ispravnosti video nadzornog sistema, kao i za presnimavanje snimljenog materijala (na adekvatan uređaj kao npr. usb stick ili disc) sa pravnim licem koje se bavi ovom djelatnošću, a za potrebe i svrhu Preduzeća, odnosno svrhu određenu ovim Pravilnikom.

Podacima u smislu stava 2. ovog člana, Direktorica i/ili drugo ovlašteno lice, ima mogućnost pristupa i praćenja video nadzora, u prostorijama preduzeća ili putem IP veze sa druge lokacije ili mobilnog uređaja.

Snimljeni materijal se ne može koristiti niti u jednu drugu svrhu osim svrhe određene članom 5. ovog Pravilnika.

#### Član 11.

U opravdanim/incidentnim situacijama, pristup snimljenom materijalu, može se dati i ovlaštenim policijskim i istražnim organima uz predočenje pismenog zahtjeva/naloga. Da bi se video zapis dao na uvid ovlaštenim organima iz stava 1. ovog člana, potrebno je da su ispunjeni određeni uslovi :

- a.) da se desila incidentna ili/opravdana situacija vezana za ugrožavanje sigurnosti imovine ili zdravlja i života ljudi;
- b.) da je nadležni organ (policijski ili istražni) podnio pismeni zahtjev (nalog) za omogućavanje pristupa video zapisima sa jasno određenim vremenskim razdobljem za koji traži pristup video zapisima;
- c.) da u arhivi snimljenog materijala postoji video snimak u traženom vremenskom razdoblju.

### VII ZAŠTITA LIČNIH PODATAKA

#### Član 12.

U skladu sa odredbom člana 21. a Zakona o zaštiti ličnih podataka BiH obezbjeđuje se zaštita i obrada ličnih podataka prikupljenih putem video nadzora:

- a.) Snimci pohranjeni putem video nadzora na osnovu kojih se može identificirati nosilac ličnih podataka predstavlja zbirku ličnih podataka.
- b.) Kontrolor donosi odluku kojom se određuju pravila obrade s ciljem poštivanja prava na zaštitu privatnosti i ličnog života nosioca podataka.
- c.) Kontrolor na vidnom mjestu ističe obavijest o vršenju video nadzora i kontakt putem kojeg se mogu dobiti pojedinosti o video nadzoru.
- d.) Tehnička zaštita ličnih podataka je osigurana na način da samo lica koja Direktorica Preduzeća ovlasti, imaju pristup snimaču/ uređaju za pohranu video zapisa.
- e.) Direktorica, kao ni bilo koja druga osoba, ne smije koristiti podatke o osobama prikupljene video nadzornom sistemom zaštite izvan njegove zakonske namjene i svrhe određene ovim Pravilnikom.

f.) *Brisanje video zapisa sa uređaja za pohranu se vrši automatski, najduže nakon 30 dana od dana nastanka snimka.*

#### Član 13.

*Evidencija nad zbirkom ličnih podataka u smislu tehničke izvedbe video nadzornog sistema ( arhivski video zapisi) definisan je odredbom čl.13. Zakona o zaštiti ličnih podataka BiH.*

*Evidencija nad zbirkom ličnih podataka nalazit će se kod Direktorice preduzeća (kontrolora video nadzornog sistema) pod nazivom „Evidencija o zbirci ličnih podataka-video nadzor“ u elektronskoj (na USB-u) ili u pisanoj/printanoj formi. Evidencija iz stava 2. ovog člana sadrži obrađene lične podatke koje kontrolor procijeni da bi mogli biti od značaja u skladu sa odredbom čl. 6. ovog Pravilnika.*

#### Član 14.

*Obavezno je poštivanje odredbe čl.30 Zakona o radu FBiH koji se odnosi na postupanje sa ličnim podacima radnika Preduzeća, tj.:*

*„Lični podaci radnika ne mogu se prikupljati, obrađivati, koristiti ili dostavljati trećim licima, osim ako je to određeno zakonom ili ako je to potrebno radi ostvarivanja prava i obaveza iz radnog odnosa“.*

### VIII PRELAZNE I ZAVRŠNE ODREDBE

#### Član 15.

*Ovaj Pravilnik će biti objavljen na oglasnoj tabli Preduzeća dana 17.12.2021a stupa na snagu osmog dana od dana objave na istoj.*

#### Član 16.

*Javnost se upoznaje sa ovim Pravilnikom putem web stranice Preduzeća.*

DIREKTORICA:  
  
Selma Vidimlić



JAVNO PREDUZEĆE  
"TRŽNICA" d.o.o.  
Maršala Tita broj 48, ZENICA  
Broj: 3352/21  
Datum: 17.12.2021